

四庫全書

子部

欽定四庫全書

子部

玉海卷五十五

詳校官給事中_臣查善長

主事_臣祁韻士覆勘

總校官進士_臣朱 鈐

校對官修撰_臣吳錫齡

謄錄監生_臣秦長馨

欽定四庫全書

玉海卷五十五

宋 王應麟 撰

藝文

著書

雜著

別集

古之君子立言以明道修辭以成文文以貫道斯不朽矣

孔甲盤盂書

漢志雜家孔甲盤孟二十六篇

孔甲黃帝史或曰夏帝似皆非

田蚡

傳學盤孟諸書注應劭曰黃帝史孔甲所作銘也凡二

十九篇書盤孟中所以為法戒孟康曰孔甲盤孟二十

六篇雜家書兼儒墨名法 文選注七畧曰盤孟書者

其傳言孔甲為之孔甲者黃帝之史也書盤孟中為誠

法 朱穆傳注黃帝有巾机之法孔甲有盤孟之誠

蔡邕

銘論

商伊尹書

漢志道家伊尹五十一篇湯相小說家伊尹說二十七篇

其語淺薄
似依託也

司馬相如上林賦盧橘夏熟應劭注伊尹

書曰箕山之東青鳥之所有盧橘夏熟說苑臣術引

湯問伊尹汲冢周書有伊尹朝獻商書

周太公金版玉匱

文選任昉王儉集序金版玉匱之書注七畧云太公金

版玉匱雖近世之文然多善者

文選注又引
太公金匱

抱朴子

鄭君有玉匱記金版經漢志道家太公二百三十七

篇

呂望為周師尚父本有道者或有近世又以為太公術者所增加也

謀八十一篇言七

十一篇兵八十五篇

論衡案古太公望近世董仲舒

造傳作書篇百有餘

衛武公懿戒

楚語左史倚相曰昔衛武公年數九十五矣猶箴儆於國曰自卿以下至于師長士苟在朝者無謂我老耄而舍我必恭恪於朝夕以交戒我在輿有旅賁之規位宁有官師之典倚几有誦訓之諫居寢有警御之箴臨事

有瞽史之道宴居有師工之誦史不失書矇不失誦以訓御之於是作懿戒以自儆注韋昭曰懿讀為抑即此

篇也

大雅抑之篇

漢陸賈新語

陸賈傳高帝時賈為大中大夫時說詩書帝曰為我著

秦所以失天下吾所以得之者及古成敗之國

高帝紀天下既

定命陸賈造新語

賈凡著十二篇每奏一篇未嘗不稱善稱其

書曰新語

漢志儒家陸賈二十三篇

唐志陸賈新

語二卷

隋志崇文目同

今存于世者道基術事輔政無為資

賢至德懷慮纔七篇

史記余讀陸生新語書十二篇

固當世之辯士

班固賓戲陸子優繇新語以興及時

君之門闡究先聖之壺奧

隋志儒家顧子新語十二

卷吳太常顧譚

唐志雜史劉肅大唐新語十三卷

元和

中

漢賈誼新書

賈子

賈誼集

志儒家賈誼五十八篇

又賦七篇

隋志賈子十卷錄一卷

漢梁太傅賈誼撰

集四卷

唐志賈誼新書十卷

崇文目九卷集

二卷

中興書目十卷賈誼撰雜論治道國體及經學胎

教本七十二篇劉向刪定為五十八篇今皆存本傳所載

治安策今彙為數篇各立題目雜見於新書班固贊誼

云所著述五十八篇掇其切於世事者著於傳即新書

也

賈誼傳三表五餌注師古引賈誼書

見第四卷匈奴篇

文紀注師古引賈誼書曰衛侯朝於周周行人問其名

新書目錄一過秦上下

見史記秦紀

宗首數寧藩傷藩彊

大都等齊服疑並壤

勢事

二權重五美制不定審微階級

勢事

三俗激時變瑰瑋孽產子銅布

見食貨志

壹通屬遠親疏

危亂憂民解縣威不信

勢事

四匈奴勢卑淮難無蓄鑄錢

勢事五傳職保傳

見大戴禮昭紀

連語輔佐問孝

闕

六禮容經

見大戴禮

春秋

連語

七先醒耳痺諭誠退遜君道

連語

八官人勸

學道術六術道德說

雜事

九大政上下修政語上下

雜事十

禮容語上下

上篇闕

胎教

見大戴禮

立後義傳

雜事本傳之語

傳即五

十八篇十卷

漢晁氏新書

漢志法家晁錯三十一篇 唐志法家晁氏新書七卷

晁錯

隋志朝氏新書三卷漢御史大夫朝錯撰

亡

別集

朝錯集三卷

亡

文選賓戲注引朝錯新書曰帝王之

道包之如海養之如春

漢淮南鴻烈

志雜家淮南內二十一篇外三十三篇注師古曰內篇

論道外篇雜說

淮南王安傳安為人好書招延賓客

方術之士數千人作為內書二十一篇外書甚衆又有
中篇八卷言神仙黃白之術亦二千餘萬言入朝獻內
篇新出上祕之 鴻烈二十一一篇其二十篇原道俶真
天文地形時則冥覽精神本經主術繆稱齊俗道應記
論詮言兵畧說山說林人間脩務泰族而終之以要畧

隋志二十一卷許慎

漢太尉祭酒

高誘

濮陽令

注

唐志中興書目同

蘇頌去其重複共得高注十三篇許注十八篇

序曰安與蘇飛李尚左吳田

由雷被毛披伍被晉昌等八人及諸儒大山小山之徒

講論道德總統仁義而著此書其旨近老子大較歸之於道號曰鴻烈鴻大也烈明也以為大明道之言也劉向校定又有十九篇謂之外篇 西京雜記淮南王著

鴻烈言大明禮教自云字中皆挾風霜揚子雲以為一出入 唐志淮南王安集二卷

淮南鴻烈音二卷

漢志淮南王賦八十

隋志縱橫家梁有湘東鴻烈十卷元

帝撰

亡

漢董仲舒書

志儒家董仲舒百二十三篇春秋有公羊董仲舒治獄
十六篇 董仲舒傳仲舒所著皆經術之意及上疏條
教凡百二十三篇而說春秋事得失間舉玉杯蕃露清
明竹林之屬復數十篇十餘萬言皆傳於後世 宣紀

注臣瓚引董仲舒書曰有其功無其意謂之戾無其功
有其意謂之罪 後紀明德馬后尤善周官董仲舒書

注玉杯蕃露清明竹林之屬 隋志董仲舒集一卷

唐志

二卷 書目一卷士不遇
賦答制策請公孫弘記室

崇文目春秋繁露八十二

篇義引宏博非出近世然其間篇第七舛無以是正又
即用玉杯竹林題篇疑後人取而附著云崇文目別集
九十九部始於仲舒集一卷 漢五行志董仲舒治公
羊春秋始推陰陽為儒者宗 文王世子注董仲舒曰
五帝名大學曰成均 周禮大祝注引董仲舒敕日食
祝 說文引董仲舒曰古之造文者三畫而連其中謂
之王三者天地人也而參通之者王也 西京雜記有
雨電對 文選注董仲舒集七言琴歌二首 後漢輿

服志注引仲舒止雨書 初學記淮南子曰董仲舒請
雨秋用桐木魚

漢茂陵書

高紀

相國鄼侯
定章程

文紀薄姬食貨志

武功爵
告緡

注臣瓚引茂陵

書 史記索隱云亡於西晉 魏王肅曰武帝聞司馬

遷述史記取孝景及已本紀覽之於是大怒削而投之
於今此兩紀有錄無書

漢虞初周說

志小說家虞初周說九百四十三篇河南人武帝時方士侍郎號黃車使者應劭注其說以周書為本師古曰史記虞初洛陽人即張衡西京賦小說九百本自虞初者也

漢新序 說苑 唐續說苑

劉向傳向采傳記行事著新序說苑凡五十篇奏之

新序

陽朔元年二月癸卯上說苑鴻嘉四年三月己亥上

志儒家劉向所序六十七

篇注新序說苑世說列女傳頌圖 唐志儒家類劉向

新序三十卷

隋志又錄一卷

又說苑三十卷

隋志同

文中子讀說苑曰可以輔

教矣

中興書目雜家新序十卷漢陽朔元年劉向撰遠

至舜禹次及周秦古人嘉言善行悉采摭序載總一百八十三章說苑二十卷漢鴻嘉四年劉向撰采傳記百家所載行事之迹凡二十篇總七百八十四章上之

曾鞏序新序三十篇錄一篇隋唐之世尚為全書今可見者十篇而已向之序此書於今最為近古雖不能無失然遠至舜禹而次及於周秦以來古人之嘉言善行

亦往往而在也說苑二十篇崇文總目云今存者五篇
餘皆亡臣從士大夫間得之者十有五篇與舊為二十
篇正其脫謬疑者缺之而叙其篇目君道臣術建本立
節貴德復恩政理尊賢正諫敬慎善說奉使權謀至公
指武叢談雜言辨物修文反質

缺反質一卷鞏分修文為上下後高麗進一卷

遂足鞏校正為之序

已上凡二十篇七百八十四章號曰說苑

後魏書明元帝以劉向新序說苑於經典正義多有所
闕乃撰新集三十篇采經史該洽古義云 唐書右拾

遺劉眘獻續說苑十篇廣向所遺刊其怪妄

志儒家十卷又李吉

甫古今說苑十一卷隋志孔氏說林二卷孔衍撰蕭賁辯林二

卷

漢法言

揚雄傳雄見諸子各以其知舛馳大抵詆訾聖人即為怪迂析辯詭辭以撓世事雖小辯終破大道而或衆使溺於所聞而不自知其非也及太史公記六國歷楚漢訖麟止不與聖人同是非頗謬於經故人時有問雄者

常用法應之誤以為十三卷象論語號曰法言文多不
著獨著其目學行吾子脩身問道問神問明寡見五百
先知重黎淵騫君子孝至 志儒家揚雄所序三十八
篇太元十九法言十三樂四箴二 隋志揚子法言十
五卷解一卷李軌注梁有六卷侯芭注 亡 十三卷宋衷
注揚雄集五卷 唐志同 書目六卷四十
三篇又二十四箴一卷 唐志揚子
法言六卷宋衷注十卷李軌注三卷柳宗元注十三卷
宋朝司馬光集晉李軌唐柳宗元本朝宋咸吳秘四

家十二卷

漢儒家言

志儒家言十八篇不知作者

漢別集

隋志漢武帝集二卷

見御集

淮南王安集一卷

唐二卷本傳辨博

善為文辭為離騷傳又獻頌德及長安都國頌及方技賦頌

賈誼集四卷

唐志二卷傳弔屈

原賦服賦政事疏又上疏益淮陽地為梁王立後諫王淮南諸子凡所著述五十八篇掇其切于世事者著于

傳

朝錯集三卷

唐志無

傳遭博士上書言兵事復言當世急務二事舉賢良策又言削諸侯

事及法令可更定者書凡三
十篇論其施行之語著于篇
枚乘集二卷傳諫吳王書
乘復游梁梁

容皆善屬
辭乘尤高
司馬遷集一卷唐志二卷
傳年十歲誦古文紬金鎖石

室之書報任安書遷既死其書稍
出
文選注引遷集悲不遇賦
東方朔集二卷傳上
書高

自稱譽諫起上林奏泰階六符言董偃之罪對化民有
道上書陳農戰疆國之計著論答客難非有先生論有

封泰山責和氏璧及皇太子生裸屏風殿上柏柱平樂
觀賦獵八言七言上下從公孫弘借車凡劉向所錄具

是
司馬相如集一卷唐二卷
傳著子虛上林賦論巴

賦大人賦封禪書他所著若遺平
陵侯書與五公子相難草木書篇
董仲舒集一卷唐二
卷

傳對賢良文學策相江都膠西王上疏諫爭教令國中
朝廷有大議對皆有明法凡上疏條教凡百二十三篇

孔臧集二卷李陵集二卷

文選有李少卿詩

魏相集二卷

傳少學易

對策高弟奏封事損霍氏權全功臣之世白去副封上書諫擊匈奴右地明易有師法好觀漢故事便宜章奏條奏便宜行事及賢臣所言表采易陰陽及明堂月令奏之風雨災變輒奏言之韓延壽傳有相文學對策

張安世傳魏相上封事有褒德顯功之言

張敞集一卷

唐二卷邑王書言

霍氏封傳諫昌

事請自治盜賊書諫太后出游獵書詣公車上書

王褒集五卷

傳中和樂職宣布詩聖主得賢

臣頌所幸宮館輒為歌頌侍太子誦讀奇文及所自造作太子喜褒甘泉洞簫頌

劉向集六卷

唐五卷

書目五卷集者云晉八卷隋本五卷今所存

十八篇

傳通達能屬文辭獻賦頌數十篇使外親上

變事書上封事著疾譏擿要救危及世頌凡八篇校中五經祕書著洪範五行傳十一篇諫起昌陵言陳湯功

極諫王氏封事奏災異書博物陳湯集二卷

唐志無傳好書善

洽聞通達古今其言有補於世屬文上疏自劾奏矯制陳言

韋玄成集二卷

傳以明經修父業黜

兵狀誅鄧支單于疏徙初陵疏爵作詩自劾復作詩自著復玷缺之難罷郡

谷永集二

卷唐五卷極諫對策災異對謝王鳳書與王譚書王音書上疏

訟陳湯薦薛宣說成帝絕淫祀善言災異前後所上四十餘事專攻上身與後宮而已

杜鄴集二

卷唐五卷傳對方正直言策說王音與王商親密說王商復郊祀

李尋集二卷

唐志無

傳好洪範災異又學天文月令陰陽事說王根防水災待詔黃門對災異

師丹集一卷

梁三卷

唐志五卷傳議論深博成帝拜丁傅奪王氏權丹以得信於上上書數十多切直哀帝追尊定陶王為共皇

置吏二千石以下為息夫躬集一卷唐五卷傳通覽

立廟京師丹議不可大臣著揚雄集五卷傳好學不為章句訓詁通而已嘗絕命辭

一篇曰廣騷又旁惜誦以下至懷沙一卷名畔牢愁為甘泉賦河東賦校獵賦長楊賦或嘲雄以玄尚白雄解

之號曰解嘲客有難玄大深雄解之號解難作九州箴諫宜許單于書劉歆集五卷傳少

詩書能屬文博見彊志過絕於人欲建立左氏春秋及毛詩逸禮古文尚書移書責太常博士班婕妤

集一卷唐志班昭集三卷唐志二卷傳作女誡七篇

論上疏遺令崔篆集一卷傳以明經徵詣公車自以受莽偽寵辭不仕著周易林曉

終作賦自悼曰慰志唐林集一卷唐志史岑集二卷傳著頌誄復

篇東平王蒼集五卷

唐二卷服制度及光武廟登歌八佾數上

傳議定南北郊冠冕車

書諫枚獵河內上疏乞就蕃國上光武受命中興頌上疏諫起二陵自建武以來章奏書記賦頌七言別字歌

詩桓譚集五卷

唐二卷揚雄辨析世祖時上疏陳時政所宜著

傳能文章好古學數從劉歆

書言當世行事二十九篇曰新論著賦誄書奏二十六篇

馮衍集五卷

傳說廉丹據大郡撫吏士

又以計說鮑永遺田邑書上書陳八事集有與陰就書

班彪集三卷

傳著王命論所著賦論書

記奏事合九篇上書言東宮諸王宜置師傅

陳元集一卷

唐志無立左氏傳又上疏

傳上疏

言不宜使有司察公輔

王隆集二卷

唐志王文山集詩賦銘書二十六篇

傳著

朱勃

集二卷

唐志同梁鴻集二卷

傳作五噫之歌思高恢詩著書十餘篇

杜篤集

一卷

唐五卷書讚七言

傳為誄吳漢辭奏論都賦所著賦誄弔女誡及雜文十八篇又著明世論十五

篇
傅毅集二卷

梁五卷廟作顯宗頌十篇著詩賦誄頌祝文七

唐五卷

傳作廸志詩依清

激連珠二
十八篇

班固集十七卷

唐十卷長博貫載籍奏記東平王蒼

傳九歲能屬文及

延英雄撰世祖本紀又作列傳載記上兩都賦所著典引賓戲應譏詩賦銘誄頌書文記論議六言在者凡四

十一
篇
黃香集二卷

傳遭尚書令為東郡太守上疏讓所著賦牋奏書令凡五篇

崔駰

集十卷

傳善屬文擬揚雄解嘲作達旨上四巡頌獻書誠實憲所著詩賦銘頌書記表七依婚禮結言

達旨酒警合
二十一篇

賈逵集一卷

梁二卷中上疏獻左氏傳國語解詁

唐二卷

傳永平

作神雀頌條奏左氏傳大義著經傳義詁及論難百餘萬言又作詩頌誄書連珠酒令凡九篇
劉陶余

集一卷

梁二卷 臣列士傳又自造賦頌書論凡四篇

唐二卷 傳著中興以下名

李尤集

李尤集

五卷

唐志無 頌七歎哀典凡二十八篇

傳著詩賦銘誄

實章集二卷

傳好學有文章與馬

融崔瑗同好

崔瑗集六卷

梁五卷 善為書記箴銘所著賦碑銘箴頌

唐五卷 傳高於文辭

傳高於文辭

七蘇南陽文學官志歎辭移社文 悔祈草書藝七言凡五十七篇

劉珍集二卷

傳著珠

凡七篇又撰釋名

張衡集十一卷

梁十二卷 唐十卷 傳擬班固兩都作

傳擬班固兩都作

二京賦著靈憲筭罔論設客問作應問以見志上疏言圖緯虛妄作思立賦所著詩賦銘七言靈憲應問七辯

巡告懸圖凡三十二篇

蘇順集二卷

傳所著賦論誄哀辭雜文十六篇

胡廣集二

卷

傳上疏諫探籌建后駮左雄改察舉之制撰百官箴四十八篇其餘所著詩賦銘頌箴弔及諸解詁凡二

十二篇 葛龍集六卷 梁五卷 唐五卷 傳以善文記 李

固集十二卷 梁十卷 唐十卷 傳舉對策論當世之

高滿上疏陳事徵用楊厚臨終與胡廣趙戒馬融集九

卷 唐五卷 傳上廣成頌東巡頌詣公車對策所著賦

為梁冀草奏李固又高彪集二卷 梁一卷 傳覆刺遺

文因事諷諫作箴錢第五永王逸集二卷 傳賦誄書論

十一篇又作漢詩百二十三篇著桓麟集二卷 漢書有

楚辭章句子延壽作魯靈光殿賦 崔琦集一卷 唐二卷 傳作外戚箴白鵲賦所

一篇 著賦頌銘誄箴吊論九咨七言凡

十五 鄺炎集二卷 傳有文才解音律 邊韶集一卷 唐二

篇 傳著詩頌碑銘 朱穆集二卷 傳奏記梁冀以災異勸戒

書策凡十五篇 著論策奏教書詩 延篤集一卷 梁二卷 唐二卷 傳

記嘲凡二十篇 論之李文德欲引進篤為書止之所 皇甫規集五卷 西

著詩論銘書應訊表教令凡二十篇 羌大冠上書言馬賢必敗又上疏乞自效舉賢良方正

對策上疏自奮討零吾又上疏自訟拜度遼將軍薦張

奐自代所著賦銘碑讚禱文弔章 張奐集二卷 傳舉賢

表教令書檄牋記凡二十七篇 上疏言災應奏記謝段熲著銘頌書教誠述 王延壽集

志對策章表二十四篇子芝昶並善草書 碑論箴銘答七言詞文表

三卷 唐志無 崔實集二卷 唐志無 傳著政論所著

逸之子

崔實集二卷

碑論箴銘答七言詞文表

記書凡趙壹集二卷

傳作解擯貽書謝友人恩為窮鳥賦又作刺世疾邪賦以舒怨憤著

賦頌箴誄書論及雜文十六篇

劉陶集三卷

唐志無陳事議改鑄大錢陳要急

八事大較言天下大亂皆由宦官作七曜論匡老子反韓非復孟軻上書言當世便事條教賦奏書記辨疑百

餘張升集二卷

唐志無頌箴書凡六十篇

傳著賦誄

侯瑾集二卷

傳為

傳三十篇餘所作新文數十篇

盧植集二卷

傳獻書規竇武上書立五經博士日食上封事所著

碑誄表記

廉品集二卷

唐志無

荀爽集一卷

梁三卷二卷

傳對

策陳便宜著禮易等傳尚書正經春秋條例漢語公羊問及辨識它所論叙題為新書凡百餘篇

劉梁

集三卷

梁二卷

唐二卷

傳著破羣

鄭玄集二卷

傳

論辯和同之論孫楨以文名

所注周易尚書毛詩儀禮禮記論語孝經尚書大傳中
候乾象厯又著天文七政論魯禮禘祫義六藝論毛詩
譜駁許慎五經異義答臨孝存周禮難
凡百餘萬言弟子問五經作鄭志八篇
蔡邕集十二卷

梁二十卷 唐二十卷 傳作釋誨以戒厲上書陳政
要宜所施行七事入崇政殿對災異程璜使人飛章言

邕詔詰狀邕上書自陳所著詩賦碑誄銘讚連珠箴
論議獨斷勸學釋誨叙樂女訓篆藝祝文章表書記凡

百四
士孫瑞集二卷應劭集二卷 梁四卷 唐四卷
傳凡為駁議三十篇

刪定律令為漢儀著漢官禮儀故事為狀人紀
著中漢輯序撰風俗通凡所著述百三十六篇
張超集

五卷 唐志張即 傳著賦頌碑文薦檄
賡書謁文嘲凡十九篇又善草書
孔融集九卷 梁

卷 唐十卷 傳每朝會訪問融引正定議議不宜加
馬日碑禮議不當復肉刑上疏言宜隱劉表郊祀事與

曹操書多侮慢之辭所著詩頌碑文論議
六言策文表檄教令書記凡二十五篇
虞翻集二卷

唐三張紘集一卷
梁二補衡集二卷
傳文章多亡
潘勗集二

卷阮瑀集五卷

漢風俗通 狀人紀 中漢輯序

應劭傳初劭父奉為司隸時並下諸官府郡國各上前
人像贊劭乃連綴其名錄為狀人紀又論當世行事著
中漢輯序撰風俗通以辨物類名號釋時俗嫌疑文雖
不典後世服其洽聞凡所著述百三十六篇又集解漢

書皆傳于時 唐志雜家應劭風俗通義三十卷

隋志三十

一卷錄一卷又應劭集二卷唐志四卷

中興書目十卷案隋志本三十

一卷今存十卷皇霸正失愆禮過譽十反聲音窮通祀典怪神山澤 蘇頌風俗通義序云諸儒著書引據最多而無若庾仲容子抄馬總意林載之畧備 服虔有通俗文一卷

漢荀爽新書 漢語

荀爽傳著禮易詩傳尚書正經春秋條例又集漢事成

敗可為鑒戒者謂之漢語又作公羊問及辨讖及他所
論叙題為新書凡百餘篇亡今多史記文帝注引漢語

隋志荀爽集一卷

見前

漢諸儒書

大選劉孝標論注引論衡曰漢諸儒作書者以司馬長
卿揚子雲河漢也其餘涇渭也

蜀漢諸葛氏集 集誠

蜀志諸葛氏集目錄開府作牧權制南征北出計算訓

厲綜覈上下雜言上下貴和兵要傳運與孫權書與諸
葛瑾書與孟達書廢李平法檢上下科令上下軍令上
中下右二十四篇凡十萬四千一百一十二字臣壽等
言前在著作荀勗和嶠奉使臣定諸葛亮故事輒刪除
複重隨類相從凡為二十四篇篇名如右傳亮言教書
奏多有可觀
別為
一集論者或怪亮文采不豔而過於丁寧周至臣愚以
為臯繇之謨略而雅周公之誥煩而悉亮所與言盡衆
人凡士故其文指不及得遠也然其聲教遺言皆經事

綜物公誠之心形于文墨足以知其人之意理而有補

當世泰始十年二月一日癸巳平陽侯相陳壽上晉陳壽傳

撰蜀相諸葛

亮集奏之

唐志蜀諸葛亮集二十四卷

隋志二十一卷梁二

十四卷 儒家集誠二卷

隋志總集武侯誠一卷

正史有論前漢事一

卷又音一卷女訓有貞潔記一卷 書曰亮集十四卷

後一卷錄傳及碑記其前十二篇章句頗多字數乃少

魏氏春秋亮作八務七戒六恐五懼皆有條章以訓

厲臣子 木牛流馬法見集中作正議言據道討淫不

在衆寡率衆南征詔賜鈇鉞曲蓋羽葆虎賁亦見集中

王業不偏安之表亮集所無出張儼默記 後漢郡

國注引諸葛亮書及表水經注亦引之

建興四年露布之詔廖立之表

來敏之教並見集中

魏渾輿經

魏志景初中下邳桓威年十八而著渾輿經依道以見意

吳陳子要言

隋志法家陳子要言十四卷吳豫章太守陳融撰

唐志同

譙子法訓

唐志儒家譙子法訓八卷譙周撰

隋志同

又五教五卷

隋志

梁有譙子五教志五卷亡

袁子正書

唐志儒家袁子正論二十五卷

隋志十九卷

又正書二十五

卷袁準

隋志梁又有袁子正書二十五卷

晉言道 訪論 古今歷 審機 娛賓 九

思

陸喜傳在吳為吏部尚書武帝時為散騎常侍好學有才思嘗為自叙其畧曰劉向省新語而作新序桓譚詠新序而作新論余不自量感子雲之法言而作言道觀賈子之英才而作訪論觀子政之洪範而作古今歷覽蔣子通萬幾而作審機讀幽通思玄四愁而作娛賓九思真所謂忍愧者也其書近百篇吳平又作西州清論傳於世借稱諸葛孔明以行其書有較論格品篇云

陸雲撰新書十篇 舊唐志儒家典語十卷陸景撰

選

注引陸景典論

陸機正訓十卷通志云出於荊州田氏

國史志雜家唐志有二十卷辛德源撰此題陸機
疑誤

晉辨道

華譚傳建興初元帝命為鎮東軍諮祭酒譚博學多通
在府無事乃著書二十卷名曰辨道上牋進之帝親自
覽焉

晉志林

虞喜傳著安天論以難渾蓋又釋毛詩畧注孝經為志

林三十篇

又韋謏為典林二十三篇

隋志志林新書三十卷

唐志二十

卷梁有廣林二十四卷又後林十卷虞喜撰

唐志後林新書十卷

三國志注引志林

唐志類書類于政立類林十卷

中興書目

唐于政立類林十卷分五十目記古人事迹

小說家裴子野類林三

卷

晉干寶正言

唐志千寶正言十卷又立言十卷 沈約撰邇言十卷
子旋集注行於世

宋古今善言

范泰傳著古今善言二十四篇 唐志雜家三十卷

隋志

同

梁法寶聯璧

梁書簡文撰三百卷中大通六年書成作者有蕭子顯

等三十人

以比皇覽

命湘東王為序

三年太子召許懋與諸儒錄長春義記一百卷

隋政道集

李文博傳長議論著政道集十卷開皇中直秘書內省
典校羣籍謂房玄齡曰清流必潔源正末必端本唐
志法家治道集十卷書目雜載前賢所論治理之要
凡一百十篇

隋王氏六經

杜淹世家大業元年文中子續詩書正禮樂脩元經讚
易道九年而六經大就禮論二十五篇為一十卷樂論

二十篇為十卷續書一百五十篇為二十五卷續詩三百六十篇為十卷元經五十篇為十五卷贊易七十篇為十卷文中子受書於李育學詩於夏璵問禮於關子明正樂於霍汲考易於族父仲華銅川君告以元經之事貞觀初王凝考六經之目而繕錄焉禮樂論各亡其五篇續詩書各亡其小序惟元經讚易存焉得六百六十五篇勒成七十五卷分為六部號王氏六經召諸子而授焉

凝召三子而教之畧創

貞觀十六年福時二十一歲受六

經之義

附錄

王勃傳通起漢魏盡晉作書百二十篇續

古尚書後亡其序有錄無書者十篇王勃補全缺遺定

著二十五篇中說續書始於漢以存漢晉之實詩備

六代以辨六代之俗

晉至隋

元經始於晉惠以斷南北之

疑贊易以申先師之旨正禮樂以旌後王之失門人

受禮

竇威賈瓊姚義晦陳叔達

樂書

杜淹房

詩

李靖薛方士裴晞王珪

元經

叔恬備聞六經之義董常仇璋薛收程元

唐高識篇

傳奕傳武德七年奕上疏極詆浮圖法又上十二論奕
注老子集魏晉以來與佛議駁者為高識篇 志高識
傳十卷

唐脩身要覽

志儒家章懷太子十卷

唐中樞龜鑑

志作
龜鏡

志小說家蘇瓌中樞龜鏡一卷

國史志
儒家

書目初瓌謂

子頊有公輔之器因以宰相事業訓之凡二十七條宋
開

府見之請
號曰龜鏡
宋朝陳瓘廣之

唐朝野僉載

書目張鷟二十卷載周隋以來雜事時為問答以評目
之補遺三卷

唐六誠

志小說家姚元崇六誠一卷

崇文目同

文苑英華姚元崇

五誠持衡彈琴對鏡辭金水壺

文粹元崇水壺誠執

秤誠執鏡誠口箴

志雜家張楚金紳誠三卷
韓愈

五歲抑宗元三戒

唐百行章 叙訓

志儒家杜正倫百行章一卷雜家辛之諤叙訓二卷

開元

十七年上
授長社尉

唐博聞奇要 古今精義

志雜家博聞奇要二十卷開元武功縣人徐闳上詔試

文留集賢校理

注記云開元二十一年十二月上

薛洪古今精義十五

卷

唐說林

張大素傳子悱明皇時為集賢院判官詔以其家所著
魏書說林入院綴修所闕 志雜家張大素說林二十
卷孔衍說林五卷王方慶續世說新書十卷 集賢注
記開元八年五月張悱以前福昌令奉敕修其父大素
所撰後魏隋書說林

大素魏書
一百卷

唐事對

書目十卷題唐燕公撰采經史屬辭比事間作詩語記

之凡一百十四門

意出於張說

唐意林

志雜家馬總意林一卷 書目貞元中馬總撰三卷先是梁庾仲容為子書鈔三十卷總增損庾書詳擇前志裁成三卷戴叔倫柳伯存為序

唐統載

志雜家韓潭統載三十卷夏綏銀青節度使貞元十三年上 會要貞元十二年二月夏州節度使韓潭進統

載四十卷 舊史其書採虞夏以來至于周隋錄其事
跡善於始終者六百六十八人為立傳

唐酉陽雜俎

志小說家段成式酉陽雜俎三十卷

崇文目同

中興書目

二十卷唐太常少卿段成式撰志聞見譎怪凡三十二

類 李淑書目詩書味之太羹史為折俎子為醢醢故

名曰雜俎酉陽取大小二酉山多藏奇書 方輿記辰

州小酉山有石穴中有秦人書千卷故湘東王云訪酉

陽之逸典 書目段成式續雜俎十卷錄異事續之

唐記室新書

志李途記室新書三十卷

崇文目同

中興書目唐東川節

度掌書記李途撰纂集諸書事迹為對語列四百餘門
職方郎中孫樵為之序

唐備舉文言

志類書陸贄備舉文言二十卷

崇文目同

書目三十卷摘

經史為偶對類事共四百五十二門

唐古今說苑

志儒家李吉甫十一卷

唐元和辨謗畧

唐次傳建中初及進士第歷侍御史竇參數薦之參敗
出為開州刺史積十年不遷韋臯鎮蜀表為副使德宗
諭臯罷之次身在外抑不得伸以為古忠臣賢士罹毀
被謗至殺身君且不悟者因采獲其事為辨謗畧三篇
上之帝益怒曰是乃以古昏主方我改夔州刺史憲宗

立召還授禮部郎中知制誥中書舍人憲宗雅惡朋比
傾陷者嘗覽辨謗略善之謂學士沈傳師曰凡君人者
宜所觀省次編錄未盡卿可廣其書傳師乃與令狐楚
杜元穎論次起周迄隋增為十篇號元和辨謗畧 志
儒家唐次辨謗畧三卷元和辨謗畧十卷令狐楚沈傳師杜元穎撰
裴潏大和新修辨謗畧三卷 會要元和十二年十月
翰林學士沈傳師等奏元和辨謗畧兩部各十卷一部
進上一部請付史館從之 崔羣傳元和十四年三月

帝嘗語宰相聽受之際不亦難乎比詔學士集前世事
為辨謗畧以自儆鑒其要云何羣對曰無情曲直辨之
至易有情則欺偽難審也故孔子有衆好衆惡浸潤膚
受之說以其難辨也若陛下擇賢而任待之以誠糾之
以法則人自歸正誰敢以欺帝韙其言 中興書目唐
集賢殿學士裴潏撰舊有十卷以其繁冗刪去止三卷
載自古被誣之事起周公至狄仁傑又太和辨謗錄三
卷案崇文總目李德裕等撰憲宗時命傅師楚等撰元

和辨謗錄十卷大和中德裕以其文繁刪為三卷 舊

紀元和十二年十月癸酉內出元和辨謗畧二卷付史

館 唐次元和辨謗畧序曰似信而詐似忠而非便便

可以動心捷捷可以亂聽豈止鵜鴂雕卉蕙苒惑珠者

哉虞舜有聖讒之命我皇有辨謗之書千古一心同垂

至理將備乙夜之觀則聖慮先辨謗何由興

上自周漢
下洎隋朝

勒成
十卷

唐新語

志雜史類劉肅大唐新語十三卷

元和

書目輯唐故

事起武德止大厯分為二十類

漢陸賈新語宋劉

義慶世說新語八卷

分三十八門
崇文目十卷

吳裴玄新言五

卷顧譚新語十二卷殷興通語十卷陸景典語十卷

隋志

唐西掖雜言

書目五卷韓愈撰序云餘暇擬作自大制令逮于百執
事取詩書雅言之意以西掖之號冠于篇或云非愈所

作崇文總目云不著撰人名氏

唐御臣要畧

志儒家李德裕御臣要畧卷亡 會要大和八年九月

宰相李德裕進

唐帝王政統

會要大中五年十二月太子詹事姚康撰十卷上之

唐古今通要

書目四卷苗台符撰自黃帝至唐大中年紀疆理及戶

口盛衰依史記自黃帝及共和存其代數周秦以降則以元年冠甲子

唐戚畹纂要

志類書類劉揚名戚畹纂要十卷戚畹英華十卷袁脩重脩

書目戚畹纂要劉揚名纂傳記宗族親姻事分內外

篇次之戚苑英華崇文目云劉揚名撰袁說重脩說撫采他書以增綴之

唐帝王鏡畧

晁氏志劉軻撰一卷自開闢迄唐初帝王世次綴為四
言以訓童蒙蜀馮鑑續之至唐末

編年類

唐事鑑

志類書郭道規事鑑五十卷

唐化統

志雜家熊執易五百卷類九經為書三十年乃成未及
上卒

唐長短經

志雜家類趙挺長短要術十卷 書目論主霸機權正

變長短之術凡六十三篇第十九載兵權陰謀

晁氏志雜家類

唐羽書集

志總集臧嘉猷羽書三卷

處士

書目集歷代軍中符檄

誥命箴頌之文以唐為首上至夏甘誓而止 崇文目

續羽書六卷

唐金鑰

書目二卷大學博士李商隱以帝室職官歲時州府四

部分門編類

唐鳳策聯華

書目三卷顧雲撰并序有續魏徵遺表代尉遲敬德答
隱太子箋補十八學士寫像贊安西都護府重築碎葉
城碑大抵皆因舊事而作

崇文目
別集類

唐致理書

志雜家朱朴致理書十卷又郭照度治書十卷書目
朱朴乾寧中為國子毛詩博士論述時務凡五十篇上

之

唐女論語

志尚宮宋氏女論語十篇 傳若莘著十篇準論語以
韋宣文君代孔子曹大家等為顏冉推明婦道之所宜
若昭又為傳申說之 志長孫皇后女則要錄十卷武
后古今內範一百卷內範要畧十卷鳳樓新誠二十卷
韋氏續曹大家女訓十二章

唐七百三十六家別集

志丁部集錄其類有三二曰別集類七百三十六家七百五十部七千六百六十八卷始於趙荀況集楚宋玉集終於盧藏用集失姓名一家玄宗以下不著錄四百六家五千一十二卷隋志別集四百三十七部四百三百八十一卷通計亡書合八百八十六部八千一百二十六卷

詳見上

唐韓愈集

志四十卷

書目五十卷

李漢序凡七百一十六首

合目錄為四十一卷又外集雜著實錄等十卷又遺文一卷十二篇其傳始於曾鞏音義五十卷祝充進於朝紹興中樊汝霖譜注四十卷洪興祖撰年譜一卷方崧卿舉正十卷彭郁會覽四十卷外抄八卷朱熹考異十卷李漢序曰詭然而蛟龍翔蔚然而虎鳳躍鏘然而韶鈞發日光玉潔周情孔思千態萬貌卒澤於道德仁義炳如也皇甫湜曰茹古涵今無有端涯渾渾灝灝不可窺校及其酣放豪曲快字凌紙怪發鯨鏗春麗驚

耀天下然而粟密窈眇章妥句適精能之至入神出天
唐書贊曰愈以六經之文為諸儒倡障隄末流反刻
以撲剗偽以真然愈之才自視司馬遷揚雄至班固以
下不論也當其所得粹然一出於正刊落陳言橫騫馳
驅汪洋大肆要之無抵牾聖人者其道蓋自比孟軻

程子曰退之晚年之文所見甚高不可易而讀也 朱
子曰原道諸篇於道之大原非苟揚仲淹之所及其言
曰根之茂者其實遂膏之沃者其光晙仁義之人其言

藹如也其徒和之亦曰未有不深於道而能文者 穆
伯長曰韓元和聖德平淮西柳雅章之類皆辭嚴義偉
製述如經

唐柳宗元集

志三十卷

書目同
外集一卷

宋朝晉代名臣集

書目十五卷晉王濟東據劉寶閭丘冲藥肇王讚郗正
張敏伏緯應亨索靖閻縝嵇紹卞粹虞溥十五家文各

為一卷著爵里於卷首乾道中汪應辰云蓋國初館閣之士得晉人殘缺之聚為此編

唐語林

宋朝王諱以唐小說五十家取其要者倣世說分五十門為唐語林十一卷今本起德行訖俚俗自故事以

下五門闕

一本八卷

崇文目唐書類苑二卷新修唐朝

類十卷

端拱古今類要

謝泌端拱初獻所著文二十編古今類要三十卷召試
中書直史館

淳化東觀集

崇文目十卷羅處約撰淳化二年七月蘇易簡上之藏
史館

淳化仙鳧羽翼

書目淳化中光祿丞曾致堯采經史子集中可為詩賦
論題者集之據本經注解其下取興國八年御製賜進

士詩名篇 宗文目類書三十卷

咸平新書 理樞

晁迥傳真宗擢直史館獻咸平新書五十篇又獻理樞

一編

四年三月壬午獻一卷

召試知制誥

咸平本說

二年五月比部郎中刁衍獻本說十卷三十三篇召試

學士院授秘閣校理

咸平廣孝新書 紹興寧親寶鑑

淳熙編集孝史

咸平六年九月甲午直史館樂史獻所著廣孝新書

十五

卷孝悌錄上清文苑

四十卷

總仙記凡八百卷詔獎之紹

興三十二年孝宗即位十月十八日詔鄧倫進寧親寶

鑑用意可嘉有補孝治遷一秩淳熙十五年三月八日

有諫議大夫謝諤進編集孝史五十卷并序目錄共十

一冊詔付秘書 崇文目上清文苑四十卷廣孝新書

五十卷唐孝悌錄十五卷孝悌錄二十卷 樂史傳雍

熙三年獻所著貢舉事二十卷登科記三十卷題解二十卷唐登科文選五十卷孝悌錄二十卷續卓異記三卷淳化四年又獻廣孝傳五十卷總仙傳一百四十一卷詔秘閣寫本進內 曾伯智著孝行類要 尹源作唐說叙兵凡十篇上之 江休復著神告一篇

言皇嗣未立假神告祖宗之意冀以感悟著唐宜鑒十五卷春秋世論三十卷 歐陽修上蘇洵所著書二十篇權書衡論機策 劉顏著儒術通要經濟樞言數

十篇 李淑獻繫訓二篇 戚綸著理道評十二篇
陳執中上復古要道三篇 真宗異而召之既至進演要
三篇以蚤定天下根本為說

天聖羣書新語

書目十一卷 天聖中方龜年采六經傳記百家之言以
字句分門為類 天聖中詔許天下士獻文章應詔者
百數有司第其善者唐詢數人而已

景祐升平舉要

四年十一月同修注葉清臣上十篇壬子命為直史館

景祐注法言

景祐四年十月十六日著作佐郎宋咸表進重廣注揚

子法言十卷

三冊

序云東晉李軌為注唐柳宗元刪定禪

缺糾失五百餘條

元豐四年十一月己丑司馬光采

諸家所長附以己意名曰集注序云揚子之文簡而奧

景祐四年詔國子監校法言嘉祐二年七月畢上之又

詔呂夏卿校定治平元年上之又詔內外制看詳二年
上之命鏤板宋咸吳祕皆注法言宋庠家有李軌注本
及音義最精詳音義多引天復本校法言者皆據以為
正

寶元君臣龜鑑 唐君臣龜鑑

二年二月一日

壬戌朔

太常丞詹庠上六十卷詔獎之

屯田外郎李及之掇唐史有益於治者撰次凡八十卷
曰唐君臣龜鑑王堯臣上其書

皇祐治原

五年六月壬午皇姪右神武大將軍宗諤上治原十五
卷詔獎之 楊大雅因轉對上原治十七篇

嘉祐治道中術

二年十一月己亥集賢校理何涉上治道要術三十篇

敕獎諭

涉字濟川果州人
又有春秋本旨

書目刁衍三卷凡三十篇

括古議今雜論治要 國史志刁衍本說十卷何涉治

道中說三篇嘉祐中進

儒
家

國朝事始

書目一卷范鎮記皇朝政事典禮所出共二百餘條

元豐事物紀原

書目十卷元豐中高承以劉存馮鑑事始刪謬除複增並名類皆援撫經史以推原初始凡二百七十事唐

吳王諂議劉存與長史房德懋等集經史諸書以

類分門為事始三卷

唐志小說家事始三卷劉孝孫房德懋又三卷劉肅續

後蜀馮鑑采羣書續事始五卷宣和中朱繪以事

始疎畧撰事原三十卷 北史劉懋撰諸器物造
作之始十五卷名曰物祖 唐志雜家謝昊物始
十卷

元祐重校學海

書目三十卷馬共以唐溫庭筠學海未盡

唐志類書庭
筠學海三十

卷因總括諸書損益去取分類為一千二百八十餘門
崇文目學海三十卷史海十卷

皇極經世

邵雍撰十卷以元經會以會經運以運經世天

日月星辰陰陽

地

水火土石剛柔

變

暑寒晝夜

化

雨風露雷

感

性情形體

應

走飛草木

人

耳目口鼻

物

聲色

味

氣

事

皇帝王

業

易書詩春秋

心

迹

天

開

於

子

地

闢

於

丑

人

生

於

寅

孔

子

贊

易

自

義

軒

而

下

祖

三

皇

也

序

書

自

堯

舜

而

下

宗

五

帝

也

刪

詩

自

文

武

而

下

子

三

王

也

脩

春

秋

自

桓

文

而

下

孫

五

伯

也

一

元

之

運

始

於

日

甲

月

子

星

甲

辰

子

自

開

闢

以

來

推

其

年

數

雍

得

之

於

李

挺

之

挺

之

得

於

穆

伯

長

自

天

地

運

化

陰

陽

消

長

皆

以

數

推

之

以

窮

萬

物

之

變程伯淳謂加一倍法其書以日月星辰水火土石盡
天地之體用以暑寒晝夜雨風露雷盡天地之變化以
性情形體走飛草木盡萬物之感應以元會運世歲月
日辰盡天地之終始以皇帝王伯易書詩春秋盡聖賢
之事業易用九六經世用十十二一元統十二會十
二會統三十運三十運統十二世一世統三十年一年
統十二月一月統三十日是十二與三十迭為用也

觀物篇解伯溫敘述

卷二

蔡元定為指要二篇以伏羲卦

圖列於前以皇極經世疏於後 張行成撰索隱一卷

觀物外篇衍義九卷 張栻因經世之 攷自堯甲辰

至乾道改元之歲凡三千五百二十二年列為六圖曰

經世紀年 周夔為節要 觀物外篇門弟子記平生

之言合二卷雖以次筆授不能無小失然發明成書為

多

張行成曰內篇理深而數畧外篇數詳而理顯學先天者當自外篇始

晁氏志皇極

經世十二卷起堯即位之二十二年甲辰終周顯德六年已未編年紀興亡治亂之事以符其學觀物篇系於

後其子伯溫解 康節先生受業於李之才先視之以
陸淳春秋意欲以春秋表儀五經既可語五經大旨則
授易而終焉

紹興皇朝事實類苑

紹興中江少虞撰次二十六卷祖宗聖訓名臣事迹及
藝術仙釋神怪夷狄風俗釐為二十六門

紹興中興龜鑑

七年三月二十一日詔林保所獻中興龜鑑可采賜紫

其書進入十三年五月丁卯

十一日

何備上十卷詔遷一

官

帝王手鑑

崔倕佺撰十卷

帝王經世圖籍

唐仲友撰十卷一百二十二篇周必大題辭

賜書

詳見御書

漢賜祕書

叙傳班存為右曹中郎將與劉向校秘書每奏事存以
選受詔進讀羣書上器具能賜以祕書之副時書不布
自東平思王以叔父求太史公諸子書大將軍白不許
霍山坐寫祕書 蘇昌為大
常坐藉霍山書泄祕書免彪與從兄嗣共遊學家有
賜書好古之士自遠方至

漢賜外屬圖世家列傳

竇融傳融與五郡太守共砥厲兵馬上疏請師期帝深
嘉美之乃賜融外屬圖及太史公五宗外戚世家魏其

侯列傳

漢賜祕書列仙圖

見圖類

漢賜山海經河渠書禹貢圖

王景傳水平二年議脩汴渠引見景問以理水形景陳其利害應對敏給帝善之只以嘗修浚儀渠功業有成乃賜景山海經河渠書禹貢圖 宋賜河西王蒙遜周易及子集諸書合四百七十五卷 唐柳宗元家有賜

書三千卷在善和里舊宅

唐賜荀悅漢紀

見賜物

唐賜歷日

集賢注記自置院之後每年十一月內即令書院寫新
歷日一百二十本頒賜親王公主及宰相公卿等皆令
朱墨分布具注歷星遞相傳寫謂集賢院本

太平興國賜軍誠 雍熙賜六韜

見兵書

淳化賜儒行篇

淳化三年二月詔以新印儒行篇賜中書樞密兩制三館等人各一軸先是御試進士以儒行篇為論題意欲激勸士流脩儒行故命雕印首賜孫何等次及宰輔近

臣至銓司選人令置於聽事以代座右之誠

三月己酉賜新第孫

何等儒行篇各一軸何等表謝

祥符二年十一月丙辰復以儒行篇

賜親民釐務文臣其幕職州縣官使臣賜敕令崇文院

摹印送閣門辭日給之

初上謂輔臣曰先朝賞賜近臣儒行篇可并賜之

紹

興十八年六月三日御書儒行篇賜進士王佐等

咸平賜三史 賜九經

元年七月甲申賜諸王輔臣新印三史各一本四年六月丁卯詔郡縣學校聚徒講誦之所各賜九經一部

咸平賜三國志

五年四月乙亥直秘閣黃夷簡等上新印三國志賜銀帛以其書分賜親王輔臣

景德賜經史

景德元年七月癸未朔賜諸王宗室近臣新印周禮疏
二年六月乙未賜殿前都指揮使高瓊九經書疏諸史
各一部從所請也真宗尚儒術故勲臣宿將亦化焉十
月甲申賜宰執近臣親王新印周禮儀禮公羊穀梁傳
疏三年八月甲戌賜右諫議种放太宗聖製御書九經
三史義疏四年七月賜交趾九經從其請也祥符六年
十一月癸丑賜御史臺九經三史三國志晉書八年正

月丁亥以監書賜昭應宮二月辛酉又賜聖製文集天禧元年二月賜宗正寺經史以備修玉牒至道三年九月戊寅殿中丞方演言曲阜文宣王廟有書樓而無典籍請賜九經及先帝御書重給祭器從之景德元年七月丙午崇文院上新印晉書百三十卷賜校勘官

祥符賜莊列子

景德二年二月甲辰直講孫奭言郭象所注莊子時會

莊生之旨請依道德經例校定并釋文三卷雕印詔可
命崇文院檢討杜鎬與奭同校定摹刻祥符元年六月
甲辰賜輔臣南華真經版本一部 景德四年經列
子觀二月丙子詔加至德之號命官校正其書祥符五
年四月丙寅崇文院上新印列子冲虛至德真經詔賜
親王輔臣人一本

祥符四年十一月丙子命李
宗諤楊總等校莊子序摹板

祥符賜孟子

七年正月庚子國子監上新印孟子及音義賜輔臣各

一部

天聖賜進士中庸大學

五年四月辛卯賜新第王堯臣已下中庸八年四月丙戌賜王拱辰已下大學後登第者必賜儒行及中庸大學以為常

天聖賜九經

天聖九年二月癸亥賜青州州學九經 明道元年七月甲戌賜壽州州學九經二年五月庚寅賜大名府學

九經 景祐二年四月戊辰賜楚州州學九經

景祐賜冊府元龜

四年二月甲子賜御史臺冊府元龜天下圖經各一部

嘉祐賜新唐書

五年六月詔鏤新唐書賜二府下逮修書官治平三年五月詔以七史賜二府下逮編校官

治平賜穎邸書

治平四年六月甲寅

神宗已即位

司馬光初讀資治通鑑上

親製序而賜光令候書成寫入又賜頴邸舊書二千四百二卷
治平三年五月十九日王師約選尚公主又
出經籍及紙筆硯墨賜之

元豐賜班超傳

元年西夏入寇秦鳳以李師中知秦州賜手詔班超傳

以勉之

神宗聖訓
云熙寧初

元祐賜資治通鑑

七年七月二十八日戊申詔諸路安撫鈐轄司并西京
南京各賜通鑑一部

建炎賜郭子儀傳

四年八月丁丑韓世忠遷檢校少師翌日戊寅上諭大
臣曰世忠不親文墨朕方寫郭子儀傳欲付卿等呼諸
將讀示之

紹興賜進士中庸篇

五年策士首得汪應辰九月十九日言者請依雍熙故

事賜新進士儒行篇以勵士檢有旨添賜中庸送秘府校勘正字張嶠校中庸高閱校儒行篇二十二日閱奏儒行雖間與聖人之意合而其詞夸大類戰國縱橫之學蓋漢儒雜記決非聖人格言望止賜中庸庶幾學者知聖學淵源奏可御書中庸以十月四日賜之

會要九月賜御

書石刻
中庸篇

紹興賜御書孝經

十四年七月辛未詔諸州以御書孝經刊石賜見任官

及係籍學生時已頒于郡庠殿中御史汪勃言定和議
極至養望摹刻使家至戶曉以彰聖孝

乾道賜武經龜鑑

見兵書

淳熙賜太子資治通鑑紀事

三年十一月戊辰


二十日

詔取袁樞資治通鑑紀事賜皇

太子與陸贄奏議熟讀以求治道八年四月五日詔國

子監印經史子書各一帙賜吳益王府從教授劉光祖

請也



玉海卷五十五

欽定四庫全書

子部

王海卷五十六

詳校官給事中_臣查善長

主事_臣祁韻士覆勘

總校官進士_臣朱 鈐

校對官修撰_臣吳錫齡

謄錄監生_臣秦長馨

欽定四庫全書

玉海卷五十六

宋 王應麟 撰

藝文

圖

黃帝綠圖 明堂圖 風后圖

後見

賈誼新書修政語上黃帝職道義經天地紀人倫序萬物然後濟東海入江內取綠圖西濟積石涉流沙登於

崑崙 河圖挺佐輔黃帝齊七日至翠嫵之川魚汭流
而至汎白圖蘭葉朱文以授帝與天老迎之帝舒視之
名曰錄圖

中候曰河龍圖出洛龜書
感赤文像字以授黃帝

淮南子至德之

世洛出丹書河出綠圖 書正義緯候之書乃稱有黃
龍元龜白魚赤雀負圖銜書以授聖人正典無其事漢
自哀平之間緯候始起假託鬼神妄稱祥瑞 選注世
本曰史皇作圖宋忠曰史皇黃帝臣圖謂畫物象 尚
書璇璣鈴孔子曰五帝出授綠圖

伊尹九主圖

史記伊尹從湯言素王及九主之事注劉向別錄九主者有法君專君授君勞君等君寄君破君固君三歲社君凡九品圖畫其形索隱曰九主者三皇五帝及禹家語孔子觀於明堂覩四墉有堯舜桀紂之象各有善惡之狀興廢之誠

周丹圖

禮秋官司約小約劑書於丹圖注丹圖未聞或者雕器

簠簋之屬有圖象者與春秋傳著於丹書今俗語有鐵
券丹書豈此舊典之遺言

周明堂周公圖

家語觀周第十一孔子觀乎明堂觀四門墉有周公相
成王抱之負斧扆南面以朝諸侯之圖孔子曰此周之
所以盛也 有周盛時褒賞功德或藏於盟府或紀于
太常或銘于昆吾之鼎獨周公有大勲勞於天下廼繪
象於明堂之墉期億萬年無忘師保之德使觀之者肅

然動心願竭忠盡瘁追配前人褒崇勸獎之道於是為至

齊管子幼官圖

管子經言幼官篇第八注幼始也陳從始輔官齊政之法
幼官圖第九有五方本圖有五方副圖

西南中
北東注云

此立時之政管氏別五其圖謂之方圖而土位居中

漢三禮圖 唐三禮圖 周明堂宗廟圖

後魏禮志阮湛禮圖并載秦漢已來輿服阮氏圖桑車

亦飾以雲母

魏志注阮謏字士信造三禮圖傳于世

隋志三禮圖九卷

鄭玄及後漢侍中阮謏等撰周室王城明堂宗廟圖一

卷祁謏撰梁又有冠服圖五宗圖月令圖各一卷周官

禮圖十四卷

唐志夏侯伏明三禮圖十二卷
著錄張鑑

三禮圖九卷

不著錄

藝術有禮圖等雜畫五十六卷

宗文目三

禮圖九卷

梁正撰

續漢志術氏冠官有其圖注 光武紀初

起明堂注禮圖曰明堂上圓下方

隋書宇文愷云建武三十年作明堂禮圖

有本 仲長統傳發清商之妙曲注三禮圖曰琴本五弦

曰宮商角徵羽文王增二曰少宮少商絃最清也 明

堂位疏引阮謏禮圖云犧尊畫以牛形 春秋疏引阮

謏三禮圖冕制 隋禮儀志引禮圖曰璫綴於革帶阮

謏以為有章印則佩之又大裘而冕案三禮衣服圖高

山冠武弁亦引禮圖 北史劉芳傳諸家禮圖社稷皆

畫為木惟誠社誠稷無木 吳薛綜定五宗圖 楊傑

補正三禮圖次篇序曰禮圖之次一曰地制卷八二曰丘

壇卷三三曰宗廟卷二四曰宮室五曰庠序卷一六曰衣冠

三七曰車旗

卷三

八曰寶貨

卷一

九曰物用

卷三

十曰樂制

卷一

十一曰武制

卷二

十二曰歷象

卷三

十三曰失令災應

卷二

通圖議三卷叙目三卷為三十八卷

漢周公負成王圖

霍光傳上察羣臣唯光可屬社稷廼使黃門畫者畫周公負成王朝諸侯以賜光後元二年春光問誰當嗣者上曰君未諭前畫意邪立少子君行周公之事周章傳論身非負圖之託注武帝欲立昭帝為太子乃畫周

公負成王圖賜霍光

漢禹貢圖

王景傳

見地理
漢汴渠

平當以經明禹貢使行河國史志

孟先禹貢治水圖一卷

漢兵家圖 兵形勢圖

陳圖
見後

藝文志兵權謀吳孫子兵法圖九卷齊孫子圖四卷兵
形勢十一家圖十八卷楚兵法圖四卷孫軫圖二卷王
孫圖五卷魏公子圖十卷兵陰陽圖十卷黃帝圖三卷

風后圖二卷鳩治子圖一卷鬼臾區圖一卷別成
子望軍氣圖三卷兵技巧鮑子兵法圖一卷伍子
胥圖一卷苗子圖一卷凡兵書五十三家圖四十
三卷任宏校兵書分四種 蕭何入咸陽先取秦
圖書 王儉七志一志專收圖譜謂之圖譜志
阮孝緒七錄內篇有圖七百七十卷外篇有圖百
卷

漢宮室制度圖

見宮類

漢官鹵簿圖

見鹵簿

漢外屬圖

竇融傳上書請師期以伐隗囂帝賜融以外屬圖及太

史公五宗世家

景帝子十三人而母五人同母者為一宗

魏其侯列傳詔報

曰每追念外屬孝景皇帝出自竇氏定王景帝之子朕之所祖昔魏其一言繼統以正長君尊奉師傅修成

淑德施及子孫此皇太后神靈上天所以佑漢也

漢御座新屏列女圖

宋弘傳建武中御座新屏風圖書列女帝數觀視之弘曰未見好德如好色帝即為撤之梁后紀常以列女圖書置左右以自監戒注劉向撰列女傳八篇圖書其象又見屏風類

班婕妤賦陳女圖以鏡監兮願女史而問

詩

漢秘書列仙圖 列仙傳

東平王蒼傳帝建初六年冬上疏求朝明年正月帝許之遣謁者賜貂裘三月鴻臚奏遣諸王歸國帝特留蒼賜以秘書列仙圖道術秘方 隋經籍志漢時阮倉作列仙圖劉向校理經籍始作列士列仙列女傳列仙傳讚三卷劉向撰駿續孫綽讚又二卷晉郭元祖贊集賢注記云阮倉仙圖一卷集賢無本

漢神輸圖

藝文志易類神輸五篇圖一劉向云王道得則四海輸

之祥瑞也

晉爾雅圖

見上

梁職貢圖

見朝貢

藝文類聚梁元帝職貢圖 名畫記元帝畫職貢圖并

序外國貢事 唐地理志梁元帝一卷

崇文目同書目云共

自序云乃纂百國一卷今存二十有七

李公麟有帖云梁元帝鎮

荊州作職貢圖首虜而終蠻凡三十餘國今纔二

十有二其一曰魯國南史及通典太平御覽皆無
魯國與丙丙國其下二十國則有之河南中天竺
師子北天竺渴盤陀武興蕃滑波斯百濟龜茲倭
因古柯呵跋檀胡密丹白題末林邑婆利宕昌狼
牙修皆朝貢於梁者武帝紀中又有扶南鄧至于閩蠕
蠕高麗干陀利新羅盤盤丹丹九國豈圖之所遺邪亦
不見所謂蠡者疑丙丙與芮芮相類即蠕蠕也通志云
二十八國 崇文目又有職貢圖三卷 名賢書錄閣

立德職貢圖

唐正會圖 王會圖 朝貢圖

東謝蠻傳貞觀三年其酋元深入朝冠烏熊皮若注旄以金銀絡額被毛帔韋行滕著履中書侍郎顏師古因是上言昔周武王時遠國入朝太史次為王會篇今蠻夷入朝如元深冠服不同可寫為正會圖詔可帝以其地為應州即拜元深刺史藝文志顏師古正會圖卷七通鑑貞觀三年閏十二月丁未東謝酋長謝元深

南謝苜長謝強來朝顏師古請圖寫以示後作王會圖

從之

通鑑考異云實錄新舊傳皆云正會圖按周書有王會篇柳宗元鏡歌呂述點戛斯朝貢圖皆作王

會今從之

點戛斯傳阿熱破回鶻得太和公主遣使衛送

還朝復遣注吾合素上書三歲

會昌中

至京師武宗大悅

班渤海使者上以其處窮遠能脩貢命大僕卿趙蕃持

節慰其國詔宰相即鴻臚寺見使者使譯官考山川國

風宰相德裕上言貞觀時遠國皆來中書侍郎顏師古

請如周史集四夷朝事為王會篇今點戛斯大通中國

宜為王會圖以示後世有詔以鴻臚所得續著之詔阿

熱著宗正屬籍

點戛斯古堅昆國也貞觀二十二年遣使獻方物其酋長俟利發入朝高宗世

再來朝景龍中獻方物玄宗世四朝獻乾元中為回紇所破自是不通中國

志地理類 呂述

點戛斯朝貢圖傳一卷

會昌秘書少監

柳宗元鐫歌既克東

蠻羣臣請圖王會百辟拜稽首咸願圖形容如周王會

書永永傳無窮睚眦萬狀乖呶呶九譯重 詳見朝貢

類

唐太宗寫真圖

舊紀開元十八年奚契丹犯塞六月丙子以肅宗為河
北道元帥命百寮於光順門相見張說謂學士孫逖韋
述曰嘗見太宗寫真圖忠王雅類聖祖此社稷之福

乾元元年四月丁未內出皇帝寫真圖自光順門送太
清宮 志有韋無忝畫皇朝九聖圖

唐忠孝圖 君臣圖

會要貞觀十三年十一月三日揚州長史李襲譽撰忠
孝圖二十卷上之太宗覽而稱善 陸贄著君臣圖翼

三十五卷

舊史二十五卷贊永貞年侍東宮為古君臣圖以獻

志李襲譽忠孝

圖傳讚二十卷

傳記類

唐本草圖

志醫術類本草二十卷藥圖二十卷圖經七卷顯慶四

年李勣等撰蘇敬新脩本草二十一卷又新脩本草圖

二十六卷圖經七卷

雜藝術類王定畫本草訓誡圖

貞觀尚方令

于志寧傳與李勣脩定本草并圖五十四篇

太宗稱善 會要顯慶二年右監門長史蘇敬上言請

加刪補令勸監定并圖五十卷至四年正月十七日上之

唐秘閣梁南郊圖

車服志睿宗時皇太子將釋奠有司草儀注從臣乘馬
着衣冠左庶子劉子玄議曰議者以秘閣梁武帝南郊
圖有衣冠乘馬者此圖後人所為也古今圖畫多矣如
畫羣公祖二疏而有曳芒屨者

張僧繇

畫昭君入匈奴而

有施帷冒者

閻立本

豈可因二畫以為故實乎謂衣冠乘

馬宜省太子從之編于令 通典却非冠梁北郊圖軌
事者縮纓綏 隋志禮類梁有郊祀圖二卷亡

唐內殿無逸圖

崔植傳長慶初穆宗問貞觀開元治道植曰玄宗即位
得姚宋納君於道璟嘗手寫無逸為圖以獻勸帝出入
觀省以自戒其後開元之末朽暗乃易以山水圖稍怠
于勤今願陛下以無逸為元龜 李珣傳武宗新聽政
珣數稱道無逸篇以勸 會要長慶元年八月崔植對

云開元初宋璟為相手寫無逸一篇為圖以獻玄宗置之內殿出入觀省 唐國史紫宸殿設無逸圖

唐明堂圖

權德輿傳元和六年三月對曰太宗見明堂圖始禁鞭

背之制

志云覺明堂針灸圖

會要貞觀四年十一月十七日制

決罪人無得鞭背 隋志醫方梁有神農明堂圖一卷

甄權傳撰脉經針方明堂等圖傳于時

唐五位圖

王起傳起字舉之文宗好古學是時鄭覃以經術仕王起以淳朴顯起加皇太子侍讀

開成初判太常卿事

上使廣五位

圖俾太子知古今治亂帝常以疑事令使者口質起具榜子附使者上凡成十篇號曰寫宣志編年類五位

圖十卷廣五運圖卷亡曹圭五運錄十二卷崇文總

目王氏五位圖三卷

書目

自開闢至唐以五運為序

宋朝至道二年四月甲申屯田郎呂奉天言司馬遷史記王起五位圖歲次朔閏皆與經傳不合

唐太液亭君臣事迹圖 尚書圖

文宗太和二年自撰集尚書中君臣事迹命畫工圖太液亭朝夕觀覽 明皇內殿無逸自張文宗太液尚書是錄

唐孝友傳圖 唐朝綱領圖 聖運圖

李棲筠為常州刺史大起學校堂上圖孝友傳示諸生為鄉飲禮人人知勸為刻石頌德進銀青封贊皇子

志雜史南卓唐朝綱領圖一卷

起高祖訖宣宗以年書
一時黜陟廢置之要

薛璫唐聖運圖二卷

崇文目同

唐毛詩草木蟲魚圖

見詩類 二十卷開成中楊嗣復等上 一云毛詩物

象圖

唐占額供軍圖

詳見會計類

均田圖

王彥威傳開成初召為戶部判度支奏曰臣按見財量入為出隨色占費終歲用之無毫釐差因上占額圖又言至德訖元和大都通邑皆有兵最凡八千餘萬長慶

籍戶三百五十萬而兵乃九十九萬率三戶資一兵今
舉天下之入歲三千五百萬上供者三之一又三之二
則衣食仰給焉自留州送使外餘四十萬衆皆仰度支
又為供軍圖上之 志職官類占額圖一卷 均田圖
元
稹

唐帝王厯數圖

書目十卷唐路惟衡撰起自周秦至于隋氏曾子玉以
惟衡所撰自周已後其開闢以來並不載故依五運圖

錄之以備一家之文大唐聖運圖畧三卷薛瑄撰起高祖訖武宗帝王厯數歌一卷大和元年劉軻以帝王年號世數次而為歌 晁氏志帝王鏡畧馮鑑續至唐末

唐奏樂圖

王維傳人有得奏樂圖者不知其名維視之曰霓裳第三疊第一拍也好事者集樂工按之一無差誤咸服其精思 新史云按樂圖

唐宰相圖

崇文目職官類二卷起高祖訖昭宗宰相名氏拜免年

月

中興書目云唐宰相歷任訖

唐衣冠盛事圖

五卷竇氏撰 皇朝衣冠盛事一卷錢明逸撰

唐三宮圖

通志唐太極大明興慶三宮圖一卷 晁氏志服飾圖

三卷唐李德裕編共五十五事

唐國要圖

志職官類大唐國要圖五卷左僕射賈耽纂監察御史

褚璆重修

崇文目
地理類

孫結大唐國照圖一卷

文宗
時人

唐制舉科目圖

一卷不題撰人凡七十六科仕至宰相者七十二人

詳見科舉

建隆洛陽宮殿圖

見後建隆三年五月詔廣皇城命有司畫洛陽宮殿
按圖而修之

建隆重集三禮圖 至道國子監三禮圖

禮象

建隆三年五月丙寅國子司業兼太常博士聶崇義表

上重集三禮圖二十卷

冕服第一至目錄第二十

賜三品服仍命詹

事尹拙集儒學之士重加參議 周世宗詔崇義參定

郊廟器玉

顯德四年二月庚午詔有司更造祭器祭玉命國子博士崇義為之圖

又詔學

士竇儼統領之崇義因取三禮圖再加考正

三禮舊圖是隋開皇

中勅官脩撰 建隆三年表上儼為序曰聶崇義博采三禮舊

圖凡得六本凡舊圖之是者則率由舊章否者當理彈

射其新圖凡二十卷附於古今通禮之文是書纂述之初詔儼統其事故作序焉太祖覽而嘉之詔所進圖令尹拙駁正崇義復引經釋之乃以儼裁定以尹拙駁議及崇義答議各四卷再加詳閱隨而增損列於注釋共分十五卷詔頒行之拙崇義復上祭玉鼎釜異同之說詔下尚書省集議張昭等議曰四部書目有三禮圖十三卷是隋開皇中敕禮官修撰其圖第一第二題梁氏第十後題鄭氏今書府有三禮圖亦題梁鄭後有梁氏

者集前代圖記更加評議題曰陳留阮士信受禮學於

潁川綦毋君取其說為圖三卷多不按禮文而引漢事

其阮士信即謚也云云請圖釜鏞于鼎下從之

尹拙又言
袁冕而下

君臣合畫充耳
實儀議從之

目錄序云舊圖十卷形制缺漏文字

省畧名數法式上下差違

前後六本大同小異
唐張鑑洎諸家所撰

蓋久傳

不知所自宗義於顯德三年冬十月定郊廟器玉因遂

刪改其名數雖殊制度不別則存其名畧其制瑚簋車

輅之類是也名義多而舊圖畧者就而增之射侯喪服

之類是也有名無制者畧而不圖仍別叙目錄共為二

十卷

冕服第一至喪器第十
九終以目錄一卷

凡所集注皆周公正經仲尼

所定康成所注傍引疏義事有未達則況以漢法圖有

未周則詳於目錄建隆二年四月辛丑第叙訖冠冕衣

服見吉凶之象宮室車旗見古今之制弓矢射侯見尊

卑之別鐘鼓管磬見法度之均祭器祭玉見大小之數

圭璧繅藉見君臣之序喪葬飾具見上下之紀 實儼

序又曰國朝創制彝器車服博采三禮舊圖凡得六本

大同小異遂鑄研尋繹躬命績素不差毫釐率文而行
恐迷其形範以圖為正則應若宮商 至道二年

丙申八

月丙辰

十八日

詔翰林畫工二人圖三禮品物制度於國

學講論堂之壁以舊壁頽落以板代之三年秋七月癸
酉始畢李至撰記曰崇義書成天子詔國學圖於宣聖
殿後北軒之壁歲久闇落聖上命改作於論堂之上以
版代壁丹青爛然安上治民移風易俗禮樂之本也玉
帛鐘鼓禮樂之末也聖人務本以求理存末以致用新

圖既成與夫畫洛神之賦尚列女之屏豈同年而語哉

咸平二年七月甲辰幸國子監詔講書因閱三禮圖

天聖二年八月己卯幸監講論語覽七十二子贊觀東

序圖繪禮器龍圖直學士馮元援三代制度以對一云閱三

禮政和五年六月丁巳十九日校書郎賈安宅言崇義圖

義皆諸儒臆說王普謂崇義出於臆於經無據國子監度未嘗親見古器

三禮堂實存圖繪下至郡縣學問亦有之不足示學者

宜詔儒臣編次方今禮樂新制器用宜繪於圖著其義

具為成書頒焉詔三禮圖及郡縣學繪畫圖象並改正

舊所繪兩壁三禮圖並毀去宣和元年五月二十七日

詔諸州祠祭器令禮制局繪圖攷降依圖製造

銅器以漆為之

書目三禮圖二十卷崇義博采舊圖凡六本考正是

否續素而申釋之三禮圖駁議二十卷不知作者禮象

十五卷陸佃撰圖其物象而為之釋以救舊圖之失

祐元

七年三月序

呂大臨考古圖十卷裒三代秦漢尊彝鼎之

屬繪於幅辨論形制文字 王楚博古圖二十卷集三

代秦漢彝器繪形範辨款識 秘書省古器舊藏四百
十八續藏四十 慶元四年繪畫為圖其高廣大小款
識皆記載為五表藏于經庫凡商器七十六周器一百
六十五漢器一百十二唐器二不知年代者九十七不
知名者二十三 嘉定六年七月續藏古器八十三續
畫為一冊通前六冊續書目
六卷 觀其器誦其言形容髣
髴以追三代之遺風如見其人

太平興國御製回文圖

八年十一月己未御製蓮花心輪回文偈頌十部共一百五十卷回文圖十軸以示宰相近臣 國史志有太宗棊圖一卷

雍熙運歷圖

書目三卷雍熙四年龔頴撰三代末紀甲子以秦昭襄王五十一年乙巳滅周為歷運之始至雍熙四年丁亥計一千二百四十四年 紹運圖一卷元祐諸葛深撰自三皇至宋 北史後魏張彞上歷帝圖五卷起元庖

犧終於晉末凡十六代一百二十八帝歷三千二百七十年雜事五百八十九宣武善之

端拱歷代年紀圖

端拱元年正月壬午殿中侍御史龔穎編歷代年紀為二圖來上優詔褒之

歐陽脩稱其精博

晁氏志龔穎運歷圖

六卷起秦昭王乙巳止雍熙丁亥

淳化大射圖

見後

淳化入閣圖 祥符入閣圖

淳化二年上以入閣舊圖承五代草創禮容不備於是命史館脩撰楊徽之等討論故事別為新圖十二月丙寅朔遂行其禮於文德殿 景祐元年李淑上時政十

議議入閣曰唐寶歷後常以月朔御紫宸殿行入閣之

禮太祖五行其禮多御崇元殿

今天安殿

備殿中金吾諸伏

設待制候對官乾德之後改御大明殿

即今集英

太宗三行

其禮別定新儀就文德殿廷增設黃麾仗真宗亦三行

之繪圖講習藏之禁閣茲禮之廢向踰二紀 初景德

四年十二月詔朝會並依入閣圖儀制排定祥符七年

四月丁巳

二日實錄
丙辰朔

東上閣門使魏昭亮言入閣圖殿

上侍立臣僚皆唐時職官與今名品異請依新定儀制

重畫從之天禧二年十二月壬寅禮儀院言儀制圖內

言閣門通事舍人請去閣門字從之熙寧四年正月韓

維以入閣舊圖增損裁定為文德殿視朝儀甲寅上之

李宗諤曰朝會圖門下省典儀設版位御史中丞班

在丹墀上兩省官後立

至道南郊圖

見郊祀

咸平國田圖

見觀書

占額圖

三年十一月壬午鹽鐵使陳恕上占額圖

咸平龍圖閣五經圖

見觀書

景德崇和殿尚書禮記圖 中庸圖 祥符尚

書圖

景德四年九月庚午宴近臣于龍圖閣之宗和殿錢翰
林學士邢昺赴曹州刑書溫仲舒宋白吏侍郭贇預焉
昺視壁掛尚書禮記圖指中庸九經事講述其大義序
脩身尊賢皆有倫理在位聳聽上嘉納之賜詩二首寵
其行命羣臣咸賦 祥符二年九月丁丑二十召宗室
六日觀書龍圖閣因覽尚書圖 皇祐之無逸圖治平之洪
範屏

景德歷代君臣圖

三年九月庚申草澤許可獻治平書歷代君臣圖

景德禮記圖

見禮類 陳祥道禮圖亦見禮類

景德合班圖

見禮制

祥符宗室班圖

見宗戚

祥符釋奠祭器圖

二年正月甲子

日八

詔禮院定州縣釋奠禮器數圖其制

攷之

見社稷

二十九日禮院言先聖先師每坐酒樽二盞

八豆八簋二簋二俎三壘一洗一篚一巾一燭一爵四

坩二從祀各盞二豆二簋一簋一俎一燭一爵一十二

月龍圖待制戚綸依少府監所用禮器制度繪圖一卷

并寫開寶禮外州釋奠儀以獻請付禮院參詳三年六

月丙辰日詔曰嚴師重道勸學之令猷釋奠陳牲薦誠

之典與儒臣上言慮郡國未詳俎豆之事乃命龍圖待制戚綸與太常禮院討論酌簡冊之文著庠序之式圖繪頒行其釋奠元聖文宣王廟儀注及祭器圖令崇文院摹印下禮院頒諸路書目有崇寧頒行一卷淳

熙七年二月頒尊爵制度

見釋奠類

歐陽公曰釋奠

釋菜祭之畧者也古者士之見師以菜為摯故始入學者必釋菜以禮先師學官四時之祭乃皆釋奠釋奠有樂無尸而釋菜無樂則其又畧也今釋

奠幸存然亦無樂又不偏舉於四時獨春秋行事而已

祥符四圖

五年十二月丁亥召宗室近臣觀祀汾陰后土壇朝覲
親奠西嶽廟及祥瑞四圖於龍圖閣 六年二月丙寅
召詣滋福殿觀聖祖臨降及衆真列侍圖

祥符四夷述職圖

見內附類 政和六年二月二十八日翁彥約言國家
天覆萬國化行方外梯杭輻湊史不絕書其贄幣服飾

之瓌奇名稱狀貌之詭異多所未載今圖畫表章藏在禮部宜命有司編集成書如周家王會之篇詔禮部編集

天禧大禮稱慶合班圖 景祐立班圖

天禧三年十一月九日辛酉閤門禮院上大禮稱慶合班圖皇太子序位在宰相上太子懇避寇準面陳儲副之重不可謙抑望遵儀制凡再請乃許辛未升壇祀天地禮畢御皇禧殿皇太子賀于殿上宰臣率百官賀于

廷中 景祐四年九月十一日庚戌詳定閣門儀制所言紫宸垂拱殿起居臣僚左右位上欲鐫字記之并立班圖用絹別寫四本二進內二付閣門從之

又見景德閣門儀制

景祐百官圖

天聖元年王欽若謂平時百官叙進有常法為叙遷圖以獻冀便省覽景祐三年天章待制范仲淹言治亂係用人得失此宰相之職因為百官圖以獻指遷進次序遲速曰如此而為公為私不可不察

五月丙戌出守饒州

紹興

初命宋棐編脩差除格目

景祐雜坐圖

四年三月二十三日集賢校理趙良規言按天聖編敕
學士知制誥待制三司副使正官未至五品並同五品
官例又按雜坐圖學士在兩省侍郎之下尚書丞郎之
上中書舍人知制誥待制在留後之下祕書監之上三
司副使在少卿監之上又按閣門儀制大宴學士坐殿
上與僕射同行知制誥亦坐殿上與尚書丞郎同行若

曲宴則三司副使預坐即在知制誥之後重行異位

慶厯觀文鑒古圖

慶厯元年

康定二年辛巳即慶厯元年

七月戊申朔出御製觀文鑒

古圖記以示輔臣

繪列百篇合為十卷

初康定二年七月己卯命

圖畫前代帝王美惡之迹可為規戒者號曰觀文鑒古

圖上自為記凡十二卷

藝文志云十卷

百二十事每事帝自為

一篇始黃帝夢風后力牧終長孫皇后賞魏玄成諫慶

厯四年二月丙辰御迎陽門召輔臣觀之書目觀文

鑒古圖十卷康定二年仁宗親述并為之序

先是學士蘇紳言唐

憲宗令近臣具前代得失之迹繪圖以觀

會要慶厯四年二月二十三日

丙辰御崇政殿西閣四壁各張畫圖前代帝王美惡可為規戒者命兩府觀之元祐五年五月范祖禹請哲宗覽此二圖可以見美惡之迹知創業之難紹興五年二月十九日毛剛中上鑒古圖記十卷

慶厯三朝訓鑒圖

慶厯八年八月庚辰知制誥楊億被旨檢討三朝事迹

乞與內翰李淑同編纂凡得祖宗故實事大體重者百
條為十通命待制高克明等設色其上十月庚辰御製
序賜名其序畧曰太祖以神武肇基太宗以英文紹復
思皇真考對越靈期莫不兢業以臨朝機憂勤而靖王
畧總御臣之威柄謹制世之令謨朕明發聳慕夕惕嚴
祇申詔信史論次舊聞得祖宗之故實事大體重者百
條繪采綴語釐為十通設色在上各載綱源執簡嗣書
兼資義解几杖勒銘闕圖取正酌古垂範保邦守成然

而稽之先民孰若稽之往訓皇祐元年二月纂成進呈

十一月庚寅朔御崇政殿召近臣及臺諫館閣宗室觀

之

一云召觀於迎陽門當以崇政者為是

又鏤板印染賜大臣宗室其圖

始於親征下澤潞平惟揚終於真宗禁中觀稼飛山觀

礮凡百條書曰皇祖有訓鑒于先王成憲命名之義

允協于此舊目缺其圖又誤以仁宗御製後序冠于卷

首續書目采繪俱全書目三朝訓鑒圖十卷李淑撰

仁宗御製序今繪采皆闕光掩鑒古輝映無逸

慶曆百官圖

書目文武百官圖二卷慶曆中太常博士萬當世撰採
本朝合班儀新令文具員故事等分門引類載階勲爵
邑品秩俸祿之要為上卷以天聖中左僕射平章事王
欽若所撰遷敘圖及合班儀封爵俸祿例為下卷

慶曆景德禦寇圖

慶曆五年九月癸巳詔近臣考先朝正史實錄為景德
禦寇圖錄寶訓云中丞王拱辰言乞詔近臣詳定景德

御寇圖上命采閱先朝史錄而考詳之

皇祐邇英閣無逸圖 孝經圖序

皇祐四年十二月甲午知制誥王洙蔡襄上所書無逸
孝經圖初十一月甲辰侍讀楊安國講尚書無逸上曰
朕深知享國之君宜戒逸豫因請書無逸篇於邇英閣
之後屏上曰朕不欲背聖人之言當書置之坐左又命
侍讀丁度取孝經天子孝治聖治廣要道四章對為右
圖因令襄書無逸洙書孝經又命承旨王拱辰為二圖

序而襄書之 一云仁宗初建邇英閣書無逸於屏間

歲久而弊以白居易賦代之侍講楊安國請復書無逸

上欣然命王洙書之置之左方又命丁度取孝經之天

子聖治孝治廣要道四章

一本無聖治有至德

對為右圖命蔡襄

書之 按邇英延義二閣建於景祐二年正月癸丑孫

奭為侍講學士嘗畫無逸圖上之請施便坐帝施於講

讀閣今日歲久而弊者當是奭所上之圖 元祐二年

十月丁未范祖禹乞於邇英閣復張掛王洙蔡襄所書

無逸孝經圖從之 周公無逸以勤為先孝經四章以
孝為本 天聖說無逸慶厯講孝經 中負黼宸左顧
右盼

至和周禮器圖 嘉祐周禮樂圖

至和元年九月丙寅

實錄會要同或作皇祐五年

翰學王洙上周禮

器圖先是洙講周禮上因命畫車服冠冕屨豆簠簋之
制及圖成而上之 皇祐五年九月十九日上觀新樂
及晉鼓三牲鼎鸞刀于崇政殿 嘉祐三年閏十二月

十九日皇姪克顏上周禮樂圖 書目有龔原周禮圖
十卷 孫奭撰樂記圖

仁宗御製洛書五事圖

仁宗御集有洛書五事圖一卷 范祖禹云仁宗最深
洪範之學每有變異恐懼脩省必求其端

治平歷年圖

治平元年

一云三月十四日

司馬光自周威烈王二十三年盡

周顯德六年為歷年圖五卷凡一千三百六十二年

畧舉

每年大事編次為圖上之以便觀覽每年一行六十行為一重六重為一卷言人君之德三仁明武人君之才

五創業守成陵夷中興亂亡

今本六卷

一云七卷起共和庚申訖顯德已未上下凡千有八百年

自威烈二十二年上距共和元年增多四百三十有八

年蓋晚年所脩

餘見後稽古錄

劉攽易其名曰帝統編年紀

事珠璣第為十卷以著論為一卷總十一卷首卷序三皇訖皇朝世次大畧歷年圖所無

治平八廟圖

一卷

元祐無逸圖

二年平章軍國重事文彥博上奏曰邇英北壁有仁祖朝講官王洙所寫無逸圖臣慮禁中或未有此圖敢寫錄四軸并一卷上進望於殿內張掛及置於几案以便聖覽 元祐二年十月侍講范祖禹言今邇英閣尚書圖序于屏間而無逸孝經二圖不復張列蔡襄所書圖序置在御座之後因脩展邇英閣方徹去却書于屏間乞依舊張掛三圖並列如仁宗朝

故事

元祐仁宗御書三十六事圖

元祐六年三月庚申朔御邇英閣宰相呂大防言仁宗
所書三十六事一本云三十五事請圖寫坐隅以備親覽從之

詳見御書上曰宮中有此本蓋向時寶訓所進也

宣和博古圖

又見錄類

劉敞得先秦古器十有一模其文圖其象為先秦古器
圖一卷又為贊元祐中呂大臨以所閱三代尊彝鼎

之器傳摹面寫論次為考古圖十卷李公麟為古器圖一卷又為序贊徽宗道兼三皇萬古之器並出會于天府品之多五十有九數之多五百三十有七舟車所貢又百倍此清燕之間第其時物繪其形制識其名款各有次第凡禮之器鼎為先簠簋次之樂之器律為先鐘磬次之有典制之器有征伐之器有常用之器有燕閒之器既成召輔臣親王御崇政殿觀之政和二年七月己亥置禮制局三年六月庚申因中丞王甫乞頒

宣和殿博古圖令儒臣考古制度遂詔討論三代古器
及壇壝之制改作俎豆籩簋之屬十月十四日手詔云
裒集三代盤匱罍鼎稽考取法以作郊廟禋祀之器煥
然大備 中興書目博古圖三十卷宣和殿所藏彝鼎
古器圖其形辨其款識推原制器之意而訂正同異
紹興十三年二月二十七日臣僚請放宣和博古圖於
太常俾禮官討論釐正改造祭器從之 晁氏志博古
圖二十卷王楚集三代秦漢彝器繪其形範辨其款識

增多呂氏考古十倍

此又一書也

薛尚功編考古博古之

類為鐘鼎款識二十卷

紹興講殿御書無逸圖

五年四月庚戌

七日上

諭輔臣曰昨日配范沖論仁宗建

邇英閣

沖為侍講轉對言

命蔡襄等書無逸孝經圖列於左右

元祐初沖父祖禹為侍講乞檢尋二圖如仁宗故事哲

宗從之沖勸朕手寫無逸為二圖設於講殿之壁今已

寫就趙鼎曰沖以世官侍經筵乞修祖宗故事宜也陞

下親御翰墨不崇朝而圖成仲見從善汲汲之意

沈與求曰

願以是圖為元龜夙夜自儆

七年九月一日內出無逸篇四軸付

講筵所遇講日安掛

紹興資善堂孝經圖

五年六月己酉建國公

孝宗五月己亥封

初出資善堂上命見

翊善范冲贊讀朱震皆設拜冲等每因牋奏導國公以

仁義之言輒標軸藏之時一展玩國公嘗得李公麟所

畫孝經圖冲書其後畧曰孝者自然之理天地之所以

大萬物之所以生人之所以靈綱常之所以立學然後知之習與性成是謂純孝豈不見夫諸侯車服之美儀物之盛尊榮如此國公以幼學之年享寵祿之厚蓋思所以保富貴之道乎故沖以諸侯之事為獻曰戰戰兢兢如臨深淵如履薄冰周之諸侯其入而居於王所皆謂之卿士故沖又以卿大夫之事為獻曰夙夜匪懈以事一人國公其勉之

洪邁曰李公麟作孝經圖繪王者朝事母后

乾道御製敬天圖

七年正月己亥出敬天圖以示輔臣上曰無逸一篇享國久長皆本於寅畏朕近日取尚書所載敬天事編為兩圖朝夕觀覽以自儆省名之曰敬天圖虞允文奏古人作無逸圖猶夸大其事陛下盡圖書中敬天事又遠過之惟聖人盡躬行之實敬畏不已必有明效六月乙卯上曰敬天事已纂成圖置之坐右朝夕自省一日引卿等便殿觀之又曰人主儻不畏天尚何所畏允文奏願頒此圖刻之琬琰上曰作數語并圖付出

嘉熙三年亦製是圖

淳熙四年五月己酉宗正少卿程叔達進對言玉音
許宣示敬天圖願得稽首拜觀上顧左右取圖至命叔
達起觀上亦誦讀每至前代王者或不能敬畏脩省則
曰此圖美惡並著亦欲以之儆戒至無逸篇則曰無逸
言人君享國久長由嚴恭寅畏所致尤當以為法
孝宗一議蠲放之令而日有戴氣一萌祈禱之念而雨
已霽霈誠心所形其答如響

嘉熙敬天圖

御製敬天圖序曰朕觀書契以來人極茂建聖賢大訓
布在方策其言治國平天下之道無出於六經而求之
六經之要一日不可違者其惟天道乎大槩易明其理
書正其事詩通其情周典備其禮春秋志其變記禮則
雜紀焉者也人主知天之當敬視六經格言如金科玉
條罔敢踰越則逸德鮮矣仰惟祖宗丕靈承帝事撫有
方夏列聖垂謨無一息不以敬天為心國史登載難以
殫舉然未有不本於六經之旨朕以寡昧寅奉燕詒懼

弗克欽若眷命萬幾之暇稽式古典爰以已意取其關於天道之大而有以啟寅畏之衷者每經表而出之哀列成編目之曰敬天圖庶幾朝夕觀覽對越鑒臨以自警省云爾又御製天人要語 楓宸燕閒左顧右盼凜然肅然如在璣衡

帝王經世圖譜

唐仲友帝王經世圖譜凡天文地志禮樂刑政陰陽度數兵農王霸皆本之經典兼采傳注類聚羣分旁通午

貫使事時相參形聲相配或推消長之象或列休咎之證而於郊廟學校畿疆井野尤致詳焉各為總說附其後始終條理如指諸掌門人金式繕寫積百二十二篇又猶子煜校讐釐為十卷以類相從周必大題辭云六經旨趣百世軌範皆聚於此

宋朝宰輔圖

蔡幼學皇朝宰輔拜罷圖一卷建隆元年至紹熙五年

宰執拜罷月日為圖年經而官緯之

河出圖天地有自然之象洛出書天地有自然之理
圖經也書緯也一經一緯相錯而成文圖植物也書
動物也一動一植相湏而成變化見書不見圖聞其
聲不見其形見圖不見書見其人不聞其語圖至約
也書至博也即圖而求易即書而求難古之學者為
學有要置圖於左置書於右索象於圖索理於書

圖書相為經緯尚矣經之以書載前代成敗之實而讀

者興焉緯之以圖繪前代成敗之形而觀者鑒焉耳其
言者入乎耳而著乎心目其繪者入乎目而著乎心惟
圖與書所以開導人君之聰明而交相養也 漢畫西

閣堯桀並彰唐設連屏以鏡興亡 金鋪玉戶丹書相


宣邦國若否瞻之在前 翱翔周覽一息千載 攀輪

折檻還笏挽裾凜凜生氣凌鑠坐隅瓊室傾宮怠教侈

麗圖其覆轍危竿歌器 拱揖令王為吾友朋想像昔

賢為吾股肱 綠字赤文如河之出 命工作績五采

彰施圖象古昔以當箴規 明皇內殿無逸是張文宗
太液尚書是錄 貞觀金鏡祇以為書元和事迹目纔
十餘 漢賜列仙唐述無逸 可以配無逸之屏代千
秋之鑑



玉海卷五十六